

Sonar Tribal wakili Sarawak ke final DiGi C4C



KUCHING: Kumpulan Sonar Tribal yang dianggotai tiga pelajar Universiti Malaysia Sarawak (UNIMAS) Samaraham akan mewakili Sarawak ke pertandingan akhir 'DiGi Challenge for Change (C4C)' 2011 anjuran DiGi di Kuala Lumpur pada 21 dan 22 Mac ini.

Sonar Tribal melayakkan diri ke pertandingan itu selepas dinobatkan sebagai juara pertandingan 'DiGi Challenge for Change (C4C)' 2011 peringkat Zon Sarawak, baru-baru ini.

Tahun ini, pertandingan itu memberi peluang kepada peserta untuk menjadi 'technopreneurs' yang akan memanfaatkan masyarakat menggunakan teknologi mobile dan internet.

Ekoran kemenangan itu, baru-baru ini Sonar Tribal melancarkan EP pertama mereka bertajuk *First*

Episode di Dewan Serbaguna, Student Pavilion, UNIMAS.

Album itu dilancarkan oleh Timbalan Naib Canselor Hal Ehwal Pelajar dan Alumni UNIMAS, Prof Mohd Fadzil Abdul Rahman dan disaksikan oleh Dekan Fakulti Kejuruteraan, Prof Dr Wan Hashim Wan Ibrahim.

Turut hadir wakil DiGi Telecommunications Sdn Bhd, diketuai Ketua DiGi Bahagian Sarawak, Benny Wee, pensyarah dan pelajar UNIMAS serta penduduk Kampung Sebayor, Samaraham.

First Episode adalah sebahagian daripada aktiviti kumpulan itu untuk mempromosikan muzik tribal serta memberi manfaat kepada masyarakat dan bukan berdasarkan keuntungan semata-mata.

Berucap di majlis itu Prof Mohd Fadzil gembira melihat kemajuan yang dicapai Sonar Tribal yang ditubuhkan hanya lima bulan lalu.

Beliau berkata, sekalipun UNIMAS adalah institusi pengajian tinggi, UNIMAS tidak hanya mementingkan kecemerlangan akademik pelajar



KUMPULAN Sonar Tribal ketika membuat persembahan sempena pelancaran EP mereka di UNIMAS baru-baru ini.

semata-mata, malah juga menyediakan 'platform' untuk mengasah kemahiran insaniah kepada pelajar termasuk kemahiran berkomunikasi, keusahawanan dan berinteraksi dengan kumpulan profesional serta

semua lapisan masyarakat.

Sementara itu, Ketua Kumpulan Sonar Tribal, Adruce Izzul Fahmi, 22, berkata beliau bersama Muhammad Hafizi Asmuni dan Muhammad Sufyan Kamarol Zaman, yang kes-

emuanya pelajar tahun akhir Fakulti Kejuruteraan serta Fakulti Ekonomi dan Perniagaan, mempunyai minat dalam bidang muzik yang menjadi pemangkin dalam mempromosi muzik tribal Sarawak.